



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA;

QUODLIBETARIIS DISPUTATIONIBUS,
manè discutienda, in Scholis Medicorum, die Jovis
primæ Februarii M. DCC. XXXI.

M. RAYMUNDO DE LA RIVIERE;
Doctore Medico, Præside.

An Succus Lacteus Fætus alimentum?

I.



T obscurum qua ratione liberi in generis humani officinã
cudantur: sic involuta eorum nutritio. Fallitur qui ex
utriusque parentis ejaculatis, exactè commixtis & ab
utero allicitis seminibus, humanum Corpus generari ex-
stimat: & præter materiam, quæ nec est singularum par-
tium portio, nec totius Corporis rudimentum; in semi-
ne facultatem formatricem, totum generationis opus dirigentem, com-

A

prehensam tenet. Ex uno coitu plurium Foetuum productio, admirabilisque Corporis humani structura, quæ fortuito particularum seminis motu nequaquam efformari potest, contrarium evincit. Inest mulieribus principium Foetus, ovum scilicet, in quo omnes futuri hominis partes jam formatae sunt. Illud maris semine foecundatum, ex ovariis testes vulgò dictis, per tubas in uterum delabitur; cujus calore & humiditate intumescit. Interim spiritus intus contentus exufcitur: hic quasi veterno excusso avolare nititur; verùm à flaminibus in fugâ detentus claustra sua expandit, & nisu suo dilatat: hinc Foetus radices in uteri fundum spargit, per quas excipit alimentum, quo spatiosa à spiritu dilatata implentur, & pedetentim omnes Foetus partes evolvuntur; modo non planè diverso ac plantarum semina terræ mandata explicantur.

I I.

EX Venæ Umbilicalis ramulis Utero appensis, Foetus pro alimento maternum sanguinem assiduò rapere, qui credit, pariter errat. Sanguis qui per Arterias ad Uterum pellitur in Foetus nutrimentum non impenditur; cum nec Foetus accommodatum sit alimentum, nec ab Utero in eum migret. Hi ramuli non in arterias Uteri, sed in papillas inferuntur, quæ chylum, non sanguinem recipiunt & profundunt. Chylus in matre primùm elaboratus, deferitur ad Uterum unà cum sanguine per arterias: ibi ope glandularum sanguini materno aditum prohibentium percolatur, ramulos deinde Venæ Umbilicalis ingressurus. Ut in ovo albumen venas subiens, purpureum colorem induit; sic Chylus in placenta tubulis distributione, qua particularum motus & figura mutantur, in sanguinem convertitur. Hic è placenta per Venam umbilicalem fluit in Foetum; cujus nutritioni eò aptior est, quod in ipsius vasis confectus, Foetui sit magis homogeneus.

I I I.

QUI chylum nutriendi Foetus gratiâ, lacteis vasis ad uterum appellere vix credit: illum saltem non confusum, nec mutatum, per Arterias ad papillas deferri pro certo habeat. Chylus Uteri glandulis à sanguine separatur, simili ratione ac in mammis, lac producturus. Secretus placenta subit, in qua miscetur cum Sanguine, quem binæ Arteriae, advehunt è Corpore Foetus in placenta ad Chyli præparationem. Hic unà cum Sanguine arterioso è Capillaribus Venæ Umbilicalis ramulis, primam adeptus elaborationem, in majorem truncum delabitur, in quo novâ agitatione illius particulæ à se invicem ita dividuntur, ut cum Sanguine confundantur, atque illius naturam induant: Ut Chylus in nati pueri vasis, multis ac repetitis circuitibus in Sanguinem omnino convertitur,

CHYLUM non Sanguinem in placentam devehī, solitā naturæ agendi ratione confirmatur. Hæc in Animantibus leges posuit, quas perpetuò sequitur, rarò ab iis discessura. Omnes Animantes in Utero conclusas nutrit Chylo. Id ex Uteri prægnantis animantis sectione compertum quā Venæ Umbilicalis ramos, in Uteri papillas, non in arteriarum oscula inferi patet: è quibus avulsæ papillæ humorem Chylo simillimum profundunt. Hunc humorem statim à partu omnia ferè animalia lambendo auferunt, absorbent, avidissimè devorant, cum Fætus excrementa ne atringant quidem. Si id perpetuum in animantibus: In homine etiā Fætum Chylo nutriri necessum est; cujus generatio, nutritio, accretio ferè ac in omnibus, æquè non absimilis.

V.

MULIERIS Utero gerentis, à denegato sufficienti alimento, abortus, præsentē tamen Sanguinis copiā: & ad gravidarum morbos pluries adhibita venæ sectio absque ullā Fætus illatā injuriā; Chylum non Sanguinem maternum, in Fætus alimoniam facere evincunt. Illum toto gravitationis tempore, partim per Venam Umbilicalem recipit, partim per Os sorbet. Chylus quamdiu appellit ad Uterum, tandiu in eo Fætus retinetur. Desinit fluere, cum nimia Uteri distensione clauduntur poruli papillarum, per quas fluebat. Quo factō maturus excidit, tanquam è deliccato pedunculo, & pari sui matrisque nifu, sese Utero contrahente, juvantibus Diaphragmate, Musculisque Abdominis, prodit in lucem, eodem, quem per mammās fugit, Chylo nutriendus.

Ergo Succus Lacteus Fætus alimentum.

DOMINI DOCTORES DISPUTATURI.

M. Joannes - Baptista Du Bois, Scholarum Professor designatus, & Serenissima Principissa Dotaria de Conty, Medicus.

M. Joannes - Ludovicus le Thieullier.

M. Henricus Besnier.

M. Guillelmus - Josephus de l'Espine.

M. Nicolaus - le Roy de Saint Aignan.

M. Germanus Preaux, Professor Regius.

M. Ludovicus - Hieronimus Cosnier.

M. David Vasse.

M. Joannes Cordelle, antiquor Schola Magister.

Proponebat Parisiis, OTTO - CASIMIR BARFEKNECHT,
Cæsario - Pomeranus, Baccalaureus Medicus, A. R. S. H. 1731.
à sextâ ad meridiem.